

Na osnovu člana 63. stav (1) tačka d) Zakona o visokom obrazovanju (Prečišćeni tekst) („Službene novine Tuzlanskog kantona“, broj: 21/21, 22/21, 5/22, 11/22, 16/22, 5/25 i 14/25), člana 52. stav (1) tačka b) i člana 221. stav (2) Statuta JU Univerzitet u Tuzli (Prečišćeni tekst) broj: 03-5695-1-2/23 od 18.10.2023. godine, broj: 03-3905-1-1/24 od 09.07.2024. godine, broj: 03-5111-1-1/24 od 19.09.2024. godine i broj: 03-1596-1-1/26 od 27.02.2026. godine, Senat Univerziteta u Tuzli na sjednici održanoj 11.03.2026. godine donio je

**ODLUKU**  
**o izmjenama i dopunama Pravila studiranja na drugom ciklusu studija na Univerzitetu u Tuzli**  
**(Četvrti prečišćeni tekst)**

**Član 1.**

U Pravilima studiranja na drugom ciklusu studija na Univerzitetu u Tuzli (Četvrti prečišćeni tekst) broj: 03-3975-1-15.1/25 od 18.06.2025. godine i broj: 03-8003-1-16.2/25 od 05.11.2025. godine, u članu 6. stavovi (4), (5) i (7) se mijenjaju i glase:

„(4) Pravo učešća na javnom konkursu za upis u prvu godinu drugog ciklusa u jednogodišnjem trajanju imaju kandidati državljani Bosne i Hercegovine, strani državljani i lica bez državljanstva pod jednakim uslovima, koji su na akreditovanoj visokoškolskoj ustanovi završili odgovarajući dodiplomski/studij prvog ciklusa u četverogodišnjem trajanju, s ostvarenih 240 ECTS bodova, u skladu s uslovima i kriterijima utvrđenim studijskim programom.

(5) Pravo učešća na javnom konkursu za upis u prvu godinu drugog ciklusa u dvogodišnjem trajanju imaju kandidati državljani Bosne i Hercegovine, strani državljani i lica bez državljanstva pod jednakim uslovima, koji su na akreditovanoj visokoškolskoj ustanovi završili odgovarajući dodiplomski/studij prvog ciklusa u trogodišnjem trajanju, s ostvarenih 180 ECTS bodova, u skladu s uslovima i kriterijima utvrđenim studijskim programom.

(7) Kandidat za upis na drugi ciklus studija dužan je podnijeti prijavu na obrascu koji čini sastavni dio ovih Pravila (Obrazac br. 1.) i priložiti sve potrebne dokumente predviđene Konkursom.“

**Član 2.**

U članu 7. u stavu (6) riječi „Uredu za nastavu i studentska pitanja“ zamjenjuju se s riječima „Uredu za nastavu, studentska pitanja i ljudske resurse“.

**Član 3.**


U članu 13. stav (5) mijenja se i glasi:

„(5) U slučaju da Voditelj drugog ciklusa studija nije izabran, odnosno imenovan ili u slučaju njegove odsutnosti ili spriječenosti, poslove iz stava (3) ovog člana obavlja prodekan za naučno-istraživački/umjetničko-istraživački rad fakulteta/akademije.“

**Član 4.**

Ova Odluka stupa na snagu danom donošenja.

UNIVERZITET U TUZLI  
SENAT  
Broj: 03-1745-1-5.3/26  
Tuzla, 11.03.2026. godine



**PREDSJEDAVAJUĆI SENATA**

**Dr.sc. Amir Karić, red.prof.**

Prilog (Obrazac br.1.)

PRIJAVA NA KONKURS ZA UPIS U PRVU GODINU DRUGOG CIKLUSA STUDIJA  
NA UNIVERZITETU U TUZLI U AK. \_\_\_\_\_ / \_\_\_\_\_ GODINU

\_\_\_\_\_  
(Naziv fakulteta/akademije)

\_\_\_\_\_  
(Naziv odsjeka/smjera/studijskog programa)

Prezime	Ime roditelja	Ime

Mjesto i općina rođenja	Država rođenja	Državljanstvo

Naziv završenog prethodnog studija (prvi ciklus/dodiplomski), stečeno zvanje i naziv visokoškolske ustanove	Općina/kanton i država završetka prethodnog studija
Akadska godina završetka prethodnog studija	Da li je diploma o završetku prethodnog studija inostrana i da li je i kada podnesen zahtjev za priznavanje iste?

Država prebivališta/boravišta	Općina/kanton prebivališta/boravišta	Adresa prebivališta/boravišta

**Uz prijavu na konkurs prilažem:**

- Diplom o završenom dodiplomskom/studiju prvog ciklusa studija ili uvjerenje o završenom studiju u slučaju da visokoškolska ustanova još uvijek nije izdala diplomu, u originalu ili kopiji ovjerenom kod nadležnog općinskog/gradskog organa ili notara;
- Dodatak diplomi o završenom prvom ciklusu studija, u originalu ili kopiji ovjerenom kod nadležnog općinskog/gradskog organa ili notara (*prilažu kandidati koji su završili prvi ciklus studija po bolonjskom sistemu studiranja*);
- Uvjerenje visokoškolske ustanove o dužini trajanja dodiplomskog studija, u originalu ili kopiji ovjerenom kod nadležnog općinskog/gradskog organa ili notara (*prilažu kandidati koji su završili studij po predbolonjskom sistemu studiranja*);
- Uvjerenje visokoškolske ustanove o uspjehu na dodiplomskom studiju, u originalu ili kopiji ovjerenom kod nadležnog općinskog/gradskog organa ili notara (*prilažu kandidati koji su završili studij po predbolonjskom sistemu studiranja*);
- Izvod iz matične knjige rođenih, u originalu ili kopiji ovjerenom kod nadležnog općinskog/gradskog organa ili notara;
- Uvjerenje o državljanstvu (ne starije od 6 mjeseci) u originalu ili kopiji ovjerenom kod nadležnog općinskog/gradskog organa ili notara;
- Drugi dokumenti u originalu ili kopiji ovjerenom kod nadležnog općinskog/gradskog organa ili notara;

\_\_\_\_\_  
(Zaokružiti/navesti šta se prilaže)

Izjavljujem da dajem saglasnost da Univerzitet u Tuzli i fakultet/akademija mogu koristiti i obrađivati moje lične podatke date u ovoj Prijavi i u dokumentima koje dostavljam uz Prijavu, u sljedeće svrhe: za potrebe učestvovanja u postupku upisa na studij, formiranja rang lista i evidentiranja u informacione sisteme za vođenje studentske evidencije, za vođenje matičnih evidencija u vezi sa statusom studenta, izdavanje potvrda/uvjerenja, diplome i dodatka diploma i drugih javnih isprava, za obavještanje studenata, izradu statističkih analiza i izvještaja, za ispunjavanje i izvršavanje drugih obaveza propisanih zakonom, podzakonskim aktima i općim aktima Univerziteta, a koje su u vezi sa statusom studenta, što potvrđujem potpisivanjem ove Prijave.

\_\_\_\_\_  
(Kontakt e-mail)

\_\_\_\_\_  
(Kontakt telefon)

\_\_\_\_\_  
Datum podnošenja prijave

\_\_\_\_\_  
(Potpis)